

## 補充資料

### 八相成道 (FROM:【佛學大辭典(丁福保)】)

(名數) 佛陀以成道為中心，示現由始至終一期之相狀，謂之八相成道。成道雖為八相中之一，然為八相中之主腦，故別揭成道之名。八相經論所說存沒不同，而大要有二說：

大乘起信論所說者：

- 一、降兜率，先住於兜率天，在彼天四千歲。見時機熟，遂乘白象由彼天降下之相也。
- 二、入胎，乘白象由摩耶夫人左脅入胎之相也。
- 三、住胎，在母胎行住坐臥一日六時為諸天說法之相也。
- 四、出胎，四月八日，於藍毘尼園，由摩耶右脅出生之相也。
- 五、出家，十九歲（或二十五歲）觀世之無常，出王宮入山學道之相也。
- 六、成道，經六年苦行，在菩提樹下成佛得道之相也。
- 七、轉法輪，成道以後五十年間說法普度人天之相也。
- 八、入滅，八十歲在娑羅雙樹下入於涅槃之相也。

起信論曰：「隨其願力能現八種，利益眾生。所謂：從兜率天退、入胎、住胎、出胎、出家、成道、轉法輪、入於涅槃。」

天台大師之四教儀，除第三之住胎，加入第五降魔之相為八相。四教儀四曰：「釋菩薩位略為七位：一發菩提心、二行菩薩道、三種三十二相業、四六度成滿、五一生補處、六生兜率天、七八相成道。」

(中略) 所言八相成道者：一、從兜率天下，二、託胎，三、出生，四、出家，五、降魔，六、成道，七、轉法輪，八、入涅槃。

古來以此二說為大小乘之別，初為大乘之八相，後為小乘之八相，然此二種八相，僅開合不同耳，非區別二乘也。」

## 名相解釋

### 【阿毘達磨】(丁福保《佛學大辭典》)

(術語) **Abhidharma**，又作阿鼻達磨。論部之總名。舊稱阿毘曇。譯曰大法，無比法。大法，無比法，乃真智之尊稱，凡論部為發生其真智者，故附以大法，無比法之名。新稱阿毘達磨。譯曰對法。對法者智慧之別名。以智慧對觀諸法真之理義。蓋論部問答決擇諸法事理，使人之智慧發達。智慧為對觀真理者，故轉指論部對觀真理者，即謂之阿毘達磨。

出三藏記十曰：「阿毘曇者，秦言大法也。」

大乘義章一曰：「阿毘曇者，此方正翻，名無比法。阿，謂無也。毘，謂比也。曇，謂法也。」

西域記三曰：「阿毘達磨藏，或曰阿毘曇藏，略也。」

玄應音義十七曰：「阿毘曇，或言阿毘達磨，或云阿鼻達磨，皆梵音轉也。此譯云勝法，或

言無比法，以詮慧故。或云向法，以因向果故。或名對法，以智對境故。」  
起信論疏曰：「今譯為對法，謂阿毘是能對智，達磨是所對境法，謂以正智。妙盡法源，簡擇法相，分明指掌，如對面見，故云對法。」

### 【大仙】（丁福保《佛學大辭典》）

（雜名）Maharṣi，行道而求長生之人名為仙，佛子為仙中之極尊，故稱為大仙。涅槃經稱佛為大仙，仁王經，稱緣覺為大仙。

涅槃經二曰：「大仙入涅槃，佛日墜於地。」仁王經上曰：「大仙緣覺。」

（華嚴）探玄記四曰：「涅槃中名佛，為大仙也。」

祖庭事苑二曰：「漢明帝問摩騰法師：佛道中亦有仙號不？曰：仙者並修梵行多諸技術，是以為世所尚。佛初成道坐於菩提樹下，世人未識是佛，光明顯照。咸言摩訶大仙未曾有也！舍利弗、目連等，坐臥空中神化自在，各相謂言：此是大仙弟子也！佛以隨機應現，仙號生焉。」

### 【寶車】（丁福保《佛學大辭典》）

（譬喻）以眾寶莊嚴之大白牛車也。以譬一乘之法。

法華經譬喻品曰：「以眾寶物造諸大車。（中略）有大白牛，肥壯多力，形體殊好，以駕寶車。」

### 【忍辱鎧】（丁福保《佛學大辭典》）

（譬喻）忍辱能防一切之外難，故譬以甲鎧。

法華經勸持品曰：「惡鬼入其身，罵詈毀辱我。我等敬信佛，當著忍辱鎧。」

### 【菩提樹】（丁福保《佛學大辭典》）

（植物）Bodhidruma，又 Bodhivṛkṣa，釋尊於此樹下成道，故名菩提樹，譯曰道樹，又云覺樹。然此樹之本名，法苑珠林八云阿沛多羅樹，法顯傳云貝多樹，觀佛三昧經云阿輸陀樹 Aśvattha，西域記八云畢鉢羅樹（Pippala）。見畢鉢羅條。謂貝多羅為菩提樹者誤也。

西陽雜俎曰：「菩提樹出摩伽陀國，在摩訶菩提寺。蓋釋迦如來成道時樹，一名思惟樹，莖幹黃白，枝葉青翠，經冬不凋。至佛入滅日，變色凋落，過已還生。至此日，國王人民，大作佛事，收葉而歸，以為瑞也。樹高四百尺，已下有銀塔周迴繞之。彼國人四時常焚香散花，繞樹作禮。唐貞觀中，頻遣使往，於寺設供，併施袈裟。至顯慶五年，於寺立碑，以紀聖德。此樹梵名有二：一曰賓撥梨力叉，二曰阿濕曷咄婆力叉。西域記謂之卑鉢羅，以佛於其下成道，即以道為稱，故號菩提婆力叉，漢翻為樹。」

翻譯名義集曰：「西域記云：即畢鉢羅樹也。昔佛在世高數百尺，屢經殘伐，猶高四五丈。佛坐其下成等正覺，因謂之菩提樹。」

### 【金剛座】（丁福保《佛學大辭典》）

梵 Vajra-āsana。（雜名）佛成等正覺時之座處。在摩竭陀國佛陀伽耶菩提樹下。上達地

面，下據金輪。一大石之頂平圓板者。

俱舍論十一曰：「唯此洲中有金剛座，上窮地際，下據金輪。一切菩薩將登正覺，皆坐此座上，起金剛喻定。以無餘依及餘處，有堅固力，能持此故。」

智度論三十四曰：「地皆是眾生虛誑業因緣報故有，是故不能舉菩薩欲成佛時實相智慧身，是時坐處變為金剛。有人言：土在金輪上，金輪在金剛上。從金剛際出如蓮華臺，直上持菩薩坐處令不陷沒，以是故，此道場坐處名為金剛。」

西域記八曰：「菩提樹垣正中有金剛座，昔賢劫初與大地俱起，據三千大千世界之中。下極金輪，上侵地際。金剛所成，周百餘步。賢劫千佛坐之而入金剛定，故曰金剛座焉。證聖道所，亦曰道場。（中略）自入末劫，正法淒微。沙土彌覆，無復得見。佛涅槃後，諸國君王傳聞佛說金剛座量，遂以兩軀觀自在像南北標界，東面而坐。聞諸耆舊曰：此菩薩像身沒不見，佛法當盡。今南隅菩薩沒過胸臆矣。」

### 【魔怨】（丁福保《佛學大辭典》）

（術語）惡魔者佛之怨敵，故云魔怨。

維摩經佛國品曰：「降伏魔怨，制諸外道。」

新譯仁王經上曰：「摧伏魔怨，雙照二諦。」

止觀輔行二曰：「魔為佛怨，故云魔怨。」

### 【金毘羅比丘】（丁福保《佛學大辭典》）

梵 Kamphilla < Kapphina >。（人名）中阿含四十八牛角沙羅林經第四曰：「尊者金毘羅」增一阿含經三曰：「獨處靜坐，專意念道，所謂金毘羅比丘是也。」

案：另有「金毘羅」為護法神名，如下所示。

### 【金毘羅神】（丁福保《佛學大辭典》）

梵 Kumbhira。（神名）雜阿含經四十八曰：「金婆羅鬼神。」金光明經三曰：「金毘羅。」大寶積經三十六曰：「金毘羅天。」又曰：「金毘羅童子世羅。」（世羅，名也）宋譯藥師經明十二神將中有「金毘羅大將。」唐譯藥師經曰：「宮毘羅大將。」千手陀羅尼經曰：「金毘羅陀。」阿育王經六，以為北方毘沙門天之別名，而與「鳩鞞羅(Kubera)」不同。光明文句曰：「金毘羅，翻為威如王。」是義譯耳。雜阿含經四十八曰：「佛在王舍城金婆羅山，金婆羅鬼神室中，以金槍刺足身起苦痛，佛住捨念，不動心。時有八金婆羅天子，各以偈讚佛。」寶積經金毘羅天受記品曰：「佛在王舍城途，王舍城有護神金毘羅王，領六萬八千藥叉眾供養佛，佛為授未來成道記。」金毘羅童子經曰：「釋迦如來在忉利天為除外道惡魔障難，化為千頭千臂金毘羅童子。」

### 【得度】（丁福保《佛學大辭典》）

（術語）生死比海，涅槃比彼岸，超生死而到涅槃云度。謂得渡生死之海也。

無量壽經下曰：「隨意所願，皆可得度。」

增一阿含經十四曰：「佛在菩提樹下初得佛，作是念：羅勒迦藍，諸根純熟，應先得度。」

遺教經曰：「應可度者，若天上人間皆悉已度。其未度者，皆亦已作得度因緣。」

【又】（儀式）落髮為沙彌云得度，是為得度之因緣，故因中說果而云得度。

### 【上座】（佛學大辭典(丁福保))

（術語）行事鈔下三之二曰：「毘尼母云：從無夏至九夏是下座，十夏至十九夏名中座，二十夏至四十九夏名上座，五十夏已去一切沙門國王所尊敬，是耆舊長老。」同資持記曰：「母論四名局據夏限，若如五分，取上無人，隨時受稱，則通大小。今時禪眾無論老少例稱上座，不知孰為下座乎？」

### 【三上座】（法相辭典(朱芾煌編))

集異門論四卷四頁云：三上座者：謂生年上座，世俗上座，法性上座。

云何生年上座？答：諸有生年尊長耆舊，是謂生年上座。

云何世俗上座？答：如有知法富貴長者，共立制言：諸有知法大財大位大族大力大眷屬大徒眾，勝我等者，我等皆應推為上座；供養恭敬，尊重讚歎。由此因緣，雖年二十，或二十五；若能知法，得大財位大族大力有大眷屬大徒眾者；皆應和合推為上座，供養恭敬，尊重讚歎。如諸國土城邑王都，其有多聞妙解算數辯才書印，或隨一一工巧業處，勝餘人者；皆共和合，推為上座，供養恭敬，尊重讚歎。如商侶中，有多財者，眾人和合，推為上座，供養恭敬，尊重讚歎。（...略...）

云何法性上座？答：諸受具戒耆舊長宿，是謂法性上座。有說：此亦是生年上座。所以者何？佛說出家受具足戒，名真生故。若有苾芻，得阿羅漢，諸漏永盡，已作所作，已辦所辦，棄諸重擔，逮得己利，盡諸有結，正智解脫，心善自在；此中意說如是名為法性上座。如世尊說上座頌言：心掉多綺語，染意亂思惟，雖久隱園林，而非真上座。具戒智正念，寂靜心解脫，彼於法能觀，是名真上座。

### 【袈裟】（佛學大辭典(丁福保))

（衣服）具名迦沙曳 *Kaṣāya*，譯曰不正，壞，濁，染等。又與加沙野之語同。譯曰赤色。比丘之法衣有大中小三件，避青黃赤白黑之五正色，而用他之雜色，故從色而云袈裟。其形為長方形，故從形而云敷具、臥具等。其相割截小片，綴合如田畔，故從相而云割截衣，又云田相衣。其他有道服、法衣、忍辱鎧、解脫幢相等種種之德名。

大中小三枚之別名，其小者曰安陀會，又云五條；其中者曰鬱多羅僧，又云七條；其大者云僧伽梨，又云九條大衣等。天竺於此三枚袈裟外無所謂衣者。支那日本氣候寒故於裏著衣，而掛於表也。天竺於五條上重著七條或大衣，或於五條七條上重著大衣，此方則不必重著，裏有衣也。其色有三如法色，其中通常天竺用乾陀，支那用木蘭色，日本用香染。即赤而帶黑者。

### 【法子】（佛學大辭典(丁福保))

(雜語) 凡隨順佛道，為法所資養者，謂之法子。  
觀無量壽經曰：「法子汝乘大乘，解第一義。」

### 【質直】 (佛學大辭典(丁福保))

(術語) 質者正也，正直之心，無諂曲也。佛道在悟達眾生本有之天真，故示其意曰質直是淨土。

法華經壽量品曰：「眾生既信伏，質直意柔軟。一心欲見佛，不自惜身命。時我及眾僧，俱出靈鷲山。」

又曰：「諸有修功德，柔和質直者。則皆見我身，在此而說法。」

維摩經佛道品曰：「直心是菩薩淨土，菩薩成佛時，不諂眾生來生其國。」

註曰：「直心者謂質直無諂，此心乃是萬行之本。」

同菩薩品曰：「於六和敬起質直心。」

### 【薩薄】 (英漢-漢英-英英佛學詞彙(中華佛典寶庫編))

A transliteration of the Pali *sabhā*, which means commerce, trade, etc. A trading cartel (交易聯盟).

### 【青蓮】 (佛學大辭典(丁福保))

(譬喻) 梵語優鉢羅 *Utpala*，青色之蓮華也。其葉修廣，青白分明，有大人眼目之相，故取以譬佛之眼。

法華妙音品曰：「目如廣大青蓮華葉。」

維摩經佛國品曰：「目淨修廣如青蓮。」

注「肇曰：天竺有青蓮華，其葉修而廣，青白分明，有大人目相。故以為喻也。」

### 【八寒地獄】 (佛學大辭典(丁福保))

(名數) 以上八大地獄外，更有八處之寒地獄。依次橫列者也。

一、頰部陀 *Arbuda*，此云疱，極寒逼身身上生疱也。

二、尼刺部陀 *Nirarbuda*，此云胞疱，嚴寒逼身身分疱裂也。

三、頰嘶吒 *Aṭaṭa*，四、矐矐婆 *Apapa*，五、虎虎婆 *Hahādhara*，此三者逼於寒而自口中發如是異聲也。

六、喙鉢羅 *Utpala*，此云青蓮華，嚴寒逼迫，身分折裂如青蓮也。

七、鉢特摩 *Padma*，此云紅蓮華，身分折裂如紅蓮華也。

八、摩訶鉢特摩 *Mahāpadma*，此云大紅蓮華，身分折裂如大紅蓮華也。

案：

涅槃經十一曰：「八種寒水地獄：所謂阿波波地獄，阿吒吒地獄，阿羅羅地獄，阿婆婆地獄，優鉢羅地獄，波頭摩地獄，拘物頭(*Kumuta*)地獄，分陀利地獄。」

《涅槃疏私記》卷第一 (唐 道暹述)

優鉢羅華者。舊云憂曇鉢羅。此云靈瑞。琰師云譯為青色。拘物頭色赤。波頭摩色不定不正。似菖蒲華(如下釋)。分陀利華鮮白。生水中。

【菖蒲】植物名。多年生水生草本，有香氣。葉狹長，似劍形。肉穗花序圓柱形，着生在莖端，初夏開花，淡黃色。全草為提取芳香油、澱粉和纖維的原料。根莖亦可入藥。民間在端午節常用來和艾葉扎束，掛在門前。）

### 【輕繫】

《漢語大辭典》解：

1. 罪輕的囚犯。陳澧集說：“其有輕罪而在繫者，則直縱出之也。”
2. 因輕罪而被拘囚。《魏書·高祖紀下》：“歲既不登，民多饑窘，輕繫之囚，宜速決了，無令薄罪久留獄犴。”

【又】輕繫地獄乃為罪報較輕之地獄。如薩婆多論云：「趣通五道皆得三歸。除重地獄。自外山間樹下空野海邊輕繫地獄。皆得成歸。」

### 【營事比丘】 (釋氏要覽(北宋·釋道誠集))

寶積經云佛言。我許二種比丘營事。一能持戒。二思於後世。又二人：一知識業報。二有諸慚愧及悔心。如是人等營眾事，自無瘡疣護他意。此事難故。

### 【花報】 (佛學常見辭彙(陳義孝))

又作華報。花開在結果之前，故「花報」是對後得之「果報」而言。譬如人以不殺生為業因，今生即得健康長壽，是為「花報」；最終必得涅槃之妙果，是為「果報」。